



COMUNE DE PÀDRIA

ÒRGANOS ISTITUTZIONALES UFÌTZIU DE SU SÌNDIGU

Ordinàntzia N. 5 de su 07/10/2020

Ogetu: Modìficas a sa viabilidade rurale: traballos de riprìstinu e de acontzu mantu istradale. Tretu istrada rurale dae Sas Chessas a rugrada istrada Ulvinu Monte Olgo.

SU SÌNDIGU

PREMÌTIDU chi, si divent fàghere sos traballos de riprìstinu e acontzu de su mantu istradale de viabilidade rurales, in particolare at a èssere ogetu de s'interventu su riprìstinu de bìculos de su mantu istradale male cumbinados de s'istrada in localidade dae Sas Chessas a sa rugrada cun s'istrada Ulvinu-Monte Olgo;

Cunsideradu chi sos traballos in custa istrada, pro evitare medas discumbènios a sos utentes, ant a èssere fatos in su tempus prus in presse possibile;

Apretziadu netzessàriu adotare mesuras indiritzadas a disciplinare sa tzirculazione istradale in sas àreas interessadas dae sas òperas a manera dereta o a manera indereta e de garantire, a su matessi tempus, sa siguresa de sas persones e de sas cosas, cun s'istitutzione de sa proibizione de passàgiu in su bìculu de istrada interessada dae sos traballos, pro sa salvaguardia de s'incolumidade pùblica e privada e de sa mègius resèssida de sas òperas;

Bidu su D.Lgs de sas normas pro sa siguresa de sa tzirculazione istradale de su 30/04/1992, n. 285 e su Regulamentu de Esecuzione relativu de su 16/12/1992, n. 495;

Bidu su D.Lgs n. 267 de su 18/08/2000;

ÒRDINAT

1. S'istitutzione de sa proibizione de tzirculazione istradale e sa posta de su cartellu de proibizione de firmada cun rimotzione fortzada, in su bìculu de istrada interessada dae sos traballos in localidade dae Sas Chessas a sa rugrada cun s'istrada Ulvinu-Monte Olgo cun decurrèntzia dae sa data de su 09/10/2020 finas a s'acabu de sas òperas, fata etzetzione ebbia pro sos metzos autorizados.
2. S'istitutzione de signalètica istradale adeguada e caminu alternativu eventuale.
3. Chi provvedimenti in prus de viabilidade, cunsighentes a problemàticas tècnicas dèvidos a fatores inoghe cun resone non prevedìbiles, ossiat a situatziones non cunsideradas, ant a pòdere èssere adotados dae sos Òrganos de Politzia Istradale, segundu sas dispositziones de sos còdighes, pro costituire custos provvedimenti parte integrante de s'ordinàntzia presente.
4. Sas màchinas agatadas in firmada in sas istradas tzitadas in s'Ordinàntzia presente, chi podent cajonare impèigu a sos traballos o a sa tzirculazione normale ant a èssere

remòvidas cun su carru atretzos in cunforma a sos art. 159 e 215 D.Lgs n. 285/92 e depositados in sa deponeteria cunventzionada. Sas ispesas de rimozione e custòdia segundu cantu prevididu dae sas normas subra tzitadas, ant a èssere postas a càrrigu totale de sos violadores.

5. Chi sa signalètica istradale at a ispetare a sa Dita esecutritze de sos traballos chi, at a dèvere èssere cunforme a cussa previdida dae sos artìculos 30 a 43 de su D.P.R. 16 de Nadale 1992 n. 495 (Regulamentu de esecuzione), ant a dèvere in fines èssere adotadas totu sas mesuras prevididas dae sa normativa in vigèntzia pro sos infortùnios in su traballu indiritzadas a tutelare s'incolumidade de sos tzitadinos e de sos dipendentes matessis de su Setore P.L. (D. Lgs. 19 de Cabudanni 1994 n. 626).
6. Chi sas màchinas de passàgiu in sos tretos de istrada interessados a sos traballos ant a èssere dirotados in caminos apòsitos chi de borta in borta ant a èssere indicados pro mèdiu de signalètica indicativa.

Su provedimentu presente at a èssere giutu a connoschèntzia de su pùbliku pro mèdiu de sa posta de sa signalètica regulamentare prescrita in sas 48 (Barantoto) oras prima de su cumintzu de s'Ordinàntzia.

S'Ordinàntzia presente at a èssere fata nòdida a su pùbliku pro mèdiu de publicatzione in s'Albu pretòriu e pro mèdiu de sos signales istradales prescritos pro chi totus nde epant connoschèntzia prena e legale.

Contra a s'ordinàntzia presente, in cunforma a sa lege 7 de austu 1990, n. 241 e de su Còdighe de su Protzessu Amministrativu in vigèntzia, chie totu epat interessu legìtimu, podet propònnere "Ricursu giurisditzionale" pro: Incumpetèntzia – Ezzessu de podere – Violatzione de Lege, intro de 60 dies dae sa data de publicatzione de s'Ordinàntzia presente, a su Tribunale Amministrativu Regionale de sa Sardigna, chi at sede in Casteddu o ricursu istraordinàriu a su Presidente de sa Repùblica intro de 120 dies;

Contra a s'Ordinàntzia presente est puru ammitidu, a norma de cantu prevididu dae s'art. 37 de su D.Lgs n. 285/92 e cun modalidades indicadas in s'art. 74 de su D.P.R. n. 495/92, su "Ricursu Amministrativu", de presentare intro de 30 dies dae sa data de publicatzione a su Ministèriu de sos Traballos Pùblicos.

Est fatu òbligu, a chie si siat ispetet, de osservare e de fàghere osservare s'ordinàntzia presente.

Pàdria, 07/10/2020

Su Sindigu
Dot. Alessandro Mura

Traduzione de s'operadora de s'isportellu linguìsticu de Pàdria
Maria Leonarda Correddu